

州衛并在京府衛所屬官舍軍民人等遷移各處居住并買賣之人有犯罪者除犯死罪外其余雜犯死罪徒流笞杖罪名俱照在外事例一体納米哨瞭擺站等項發落中間若有妖言等項重情仍解法司具奏定奪如此則法令歸一事亦完結便益緣係陳言發落罪囚及奉

欽依都察院知道事理未敢擅便具題奉  
聖旨是欽此

運磚運灰炭等項囚犯無力監追半年之上未完  
者改撥做工例

成化十五年二月十四日太子少保刑部尚書林  
等題為陳言事廣西清吏司案呈奉本部送准礼部咨  
礼科抄出中城兵馬指揮司副指揮刘岳奏稱謹述五事上瀆  
天駟乞

賜采擇施行等因開坐具本該通政使司官奏奉

聖旨該衙門知道欽此欽遵抄出除嚴夜行一件另行外  
所言清獄囚等四件移咨送司案呈到司看得兵馬  
副指揮劉岳所言重軍賊禁誑騙二事俱有見行事  
例罪逃囚事有室碍難行外准清獄囚一事開稱本  
司監禁囚犯俱依法司送來監追各項贓物并工部  
送來監追運灰運炭等項官吏軍民人等中間家道

殷實有俸糧差業者不久變賣納完即得發落其間  
有等貧難及遠鄉之人無有產業家當亦盡賣措辦上納者  
只得久禁縲紲之中長受囹圄之苦或監一二年者有之  
三四年者有之衣食不及多有凍餓而死者不無有傷  
和氣或有不死者隆冬沍寒之時尤難過日臣每研審  
各犯執稱委的艱難家產人口變賣已盡百無一物可  
以展免守死而已聞此情狀誠可矜憫如蒙乞

勅該部計議合無除係在錢糧重情囚犯仍舊監候外將各兵  
馬司見監運灰運炭等項及監追各項不及贖物囚  
犯清查明白如有監追一年之上未完者行取到官  
軍灰運炭等項囚人改擬做工擺站等項發落官  
吏復不職役行拘親屬杖追如有三箇月不完  
者仍將原犯官吏提問其監追私債各錢等項囚犯

即便依擬發落不必監禁着令親佑隣屬人等保管  
在外耽其活便揭借營運照付正主庶幾人無淹禁等  
因查得本部各司凡閹囚犯依律擬罪照例送工部運磚運  
灰運炭等項完日發落如有律該入官給主贖物俱送該管  
衙門監追係是舊行事例但因囚犯中間有懊怕做工月日  
久遠却稱有力情愿運磚運炭運灰以贖己罪有誰受財  
物即時花費應該還官入官給主贖物無從追納以致各衙  
門俱送兵馬司監追未完禁難保全無失所命無過查見  
監運磚運灰運炭等項囚犯委的貧難無力監追半年之  
上未完者俱各取回軍民舍余人等及例該革去職  
役之人果因貧難情愿做工者亦與改撥做工滿之  
日送回照依原擬發落其有監追一應入官給主贖  
物半年之上未完查取到官送發該管官司保領在



官拘取的親家屬一同追徵完納若係侵欺誑攬費用在官錢糧事情重者備由具

奏定奪其餘客錢私債等項俱送該管官司着令親鄰人等保領在外立限追價完報如此處得因無淹禁卷亦完結緣係陳言及奏

欽依該衙門知道事理未敢擅便是題次日奉聖旨是欽此

管杖罪囚例設做工者出倫工價脩理監牆厩庫例成化十五年八月二十四日太子少保刑部尚書林

等題為脩理監牆等事四川清吏司案呈奉本部送提牢官主事徐佑呈稱司獄司司獄吳鉉等呈成化十五年七月以來天雨連綿溝水湍漫將本監此邊臨山西廠界牆十丈河南陝西司界牆工丈老監東西南角并小門文監火房等處子牆約三十余丈俱各倒塌長銓道界牆約有七十余丈俱有裂縫歇斜將倒及重囚第四間東北角與見間因第一間西北角梁柱俱各朽壞牆壁亦皆塌動中間係干監禁重囚處所恐有疎虞不便乞為轉達措置修理等因又奉本部送浙江清吏司十三清吏司呈照得本部十二監房界牆地連木廠西抵官溝南接都察院界牆東接